

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA SREBRENİK
- Općinski načelnik-

Broj: 07-4512/17

Datum, 12. 01. 2018. godine

Općinski načelnik na osnovu člana 70. stav (1) i (3) Zakona o javnim nabavkama ("Službeni glasnik BiH", broj: 39/14), Odluke o privremenom finansiranju Općine Srebrenik, („Službeni glasnik općine Srebrenik, broj: 11/17), čl. 38. i 118. Statuta općine Srebrenik („Službeni glasnik općine Srebrenik“, broj: 1/08) na preporuku Komisije za javnu nabavku broj: 07-4512/17 od 12.01.2018. godine, u postupku javne nabavke Štampanje obrazaca, knjiga, korićenje službenih listova, brošura i dr. materijala za općinu Srebrenik u 2018. godini, je d o n i o:

O D L U K U
O IZBORU NAJPOVOLJNIJEG PONUĐAČA

I

Prihvata se preporuka Komisije za javnu nabavku, broj: 07-4512/17 od 12.01.2018. godine i Ugovor za javnu nabavku **Štampanje obrazaca, knjiga, korićenje službenih listova, brošura i dr. materijala za općinu Srebrenik u 2018. godini**, dodjeljuje se ponuđaču **HARFO-GRAF DOO Tuzla**, ponuda broj: 58/17 od 25.12.2017. godine, za ponuđenu cijenu nakon završene e-aukcije u iznosu od **6.997,19 KM sa PDV-om**, kao prihvatljivu.

II

Ova odluka objavit će se na web-stranici www.srebrenik.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

O B R A Z L O Ž E N J E

Postupak javne nabavke pokrenut je Odlukom o pokretanju postupka javne nabavke broj: 07-4512/17 od 13.12.2017. godine.

Javna nabavka je sprovedena Konkurentskim zahtjevom za dostavu ponuda broj: 07-4512/17 od 13.12.2017. godine i Odlukama o izmjeni i dopuni Konkurentskog zahtjeva broj: 07-4512/17 od 17.12.2017. godine i 18.12.2017. godine.

Procijenjena vrijednost javne nabavke bez PDV-a je 11.965,81 KM.

Obavještenje o nabavci broj: 761-7-1-125-3-88/17 poslato je na objavljivanje dana 13.12.2017. godine, a objavljeno je na Portalu javnih nabavki dana 13.12.2017. godine.

Komisija za javnu nabavku imenovana je Rješenjem broj: 07-4512/17 od 13.12.2017. godine.

Ponude po Konkurentskom zahtjevu za predmetnu nabavku su dostavili slijedeći ponuđači:

1. MAXI PLUS DOO Tuzla, u ukupnom iznosu od 11.950,00 KM bez PDV-a,
2. HARFO-GRAF DOO Tuzla, u ukupnom iznosu od 11.514,00 KM bez PDV-a,
3. COMPANY-DIS DOO Tuzla, u ukupnom iznosu od 11.865,00 KM bez PDV-a,
4. PRINTAS DOO Srebrenik, u ukupnom iznosu od 11.964,00 KM bez PDV-a.

U prvom dijelu rada Komisije, konstatovano je da su, blagovremeno, pristigle četiri pravilno zatvorene ponude. Nakon toga, Komisija je isčitala ponuđene cijene i završila prvi dio svoga rada.

U drugom dijelu rada, Komisija je pristupila detaljnom pregledanju dostavljenih ponuda, u cilju utvrđivanja da li su dostavljeni svi traženi dokazi i da li isti ispunjavaju kvalifikacione uslove.

Pregledanjem ponuda ponuđača MAXI PLUS DOO Tuzla, HARFO-GRAF DOO Tuzla, COMPANY-DIS DOO Tuzla, i PRINTAS DOO Srebrenik, Komisija je konstatovala da su iste

potpune tj, da su dostavljeni svi dokazi i da svi zadovoljavaju zahtijevane kvalifikacione uslove, te su iste prihvatljive za dalje razmatranje.

Komisija je utvrdila računsku grešku u specifikaciji ponude kod ponuđača HARFO-GRAF DOO Tuzla, i to na strani 4 ponude: tačka 16 (Referentska knjiga A-4 100 lista-tvrđi omot), gdje je upisana jedinična cijena od **5,60 KM** pomnožena sa količinom od **30 kom** bi trebalo da daje proizvod od **168,00 KM** bez PDV-a, a u ponudi je ponuđena cijena od **56,00 KM** bez PDV-a.

Zbrajanjem podiznosa ponuđenih u specifikaciji, dobije se ukupan zbir od **11.626,00 KM** bez PDV-a, umjesto ponuđenih **11.514,00 KM** bez PDV-a, pa bi ukupna cijena ponude trebala biti **11.626,00 KM** bez PDV-a, umjesto upisane **11.514,00 KM** bez PDV-a.

Ugovorni organ je u aktu broj: 07-4512/17 od 26. 12. 2017. godine, tražio od ponuđača HARFO-GRAF DOO Tuzla saglasnost na ispravku računске greške.

Ponuđač je u aktu od 26. 12. 2017. godine, dao saglasnost na ispravku računске greške.

Kako je Ugovorni organ u obavještenju o nabavci i Konkurentskom zahtjevu predvidio provođenje e-aukcije, Ugovorni organ je zakazao e-aukciju za dan 04.01.2018. godine.

Ponuđači MAXI PLUS DOO Tuzla i PRINTAS DOO Srebrenik su dostavili u svojim ponudama potvrde izdate od Vanjskotrgovinske komore Bosne i Hercegovine.

Nakon završetka e-aukcije za predmetnu nabavku, konačna rang lista ponuđača koji su učestvovali u e-aukciji i konačne cijene ponuda su sljedeće:

1. HARFO-GRAF DOO Tuzla, u ukupnom iznosu od 5.980,50 KM bez PDV-a,
2. MAXI PLUS DOO Tuzla, u ukupnom iznosu od 6.657,00 KM bez PDV-a,
3. COMPANY-DIS DOO Tuzla, u ukupnom iznosu od 8.400,00 KM bez PDV-a,
4. PRINTAS DOO Srebrenik, u ukupnom iznosu od 11.564,00 KM bez PDV-a.

Ponuđač HARFO-GRAF DOO Tuzla je dužan u skladu sa članom 8. stav (3) Pravilnika o uslovima i načinu korištenja e-aukcije ("Službeni glasnik BiH", broj: 66/16), pozicije iz specifikacije ponude umanjiti za isti procenat koliko iznosi konačno procentualno umanjenje ukupne cijene postignute nakon e-aukcije, te će obrazac/specifikaciju sa tako umanjenim jediničnim cijenama potpisati i dostaviti u ostavljenom roku na adresu Ugovornog organa uz potpisani ugovor.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Iz navedenih razloga, primjenom člana 64. stav 1. tačka b) Zakona o javnim nabavkama, te članova 38. i 118. Statuta općine Srebrenik („Službeni glasnik općine Srebrenik“, broj: 1/08), odlučeno je kao u tački I ove odluke.

POUKA O PRAVNOM LIJEKU:

Protiv ove odluke može se izjaviti žalba u roku od 5 (pet) dana od dana prijema odluke o izboru ponuđača.

Žalba se izjavljuje ugovornom organu u pisanoj formi direktno, ili preporučenom poštanskom pošiljkom.

Žalba se podnosi u najmanje tri primjerka.

Dostavljeno:

1. Ponuđačima 4x,
2. Evidenciji,
3. Arhivi.

OPĆINSKI NAČELNIK

Dr. sci. Nihad Omerović